

INTERVENCIÓN
XERAL

XERENCIA MUNICIPAL DE
URBANISMO

CONCELLO
DE VIGO



ASUNTO: Orzamento do Organismo Autónomo Local Xerencia Municipal de Urbanismo para o ano 2026 (expediente 17996/407).

INFORME DE CONTROL PERMANENTE PREVIO DA APROBACIÓN DO ORZAMENTO

Esta Intervención, en virtude das atribucións de control citadas e establecidas no artigo 213 do Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo, e desenvolvidas no Real Decreto 424/2017, de 28 de abril, polo que se regula o réxime xurídico do control interno nas entidades do Sector Público Local; en atención as facultades recollidas no artigo 4.1.b).2º do Real Decreto 128/2018, de 16 de marzo, polo que se regula o réxime xurídico dos funcionarios da Administración Local con habilitación de carácter nacional, emito o seguinte

INFORME-PROPOSTA

PRIMEIRO. O artigo 162 do texto refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo define os Orzamentos Xerais das Entidades locais, establecendo que constitúen a expresión cifrada, conxunta e sistemática das obrigas que, como máximo, poden recoñecer a Entidade e os seus Organismos Autónomos, e dos dereitos que prevexan liquidar durante o correspondente exercicio, así como das previsións de ingresos e gastos das sociedades mercantís cuxo capital social pertenza integramente á Entidade local correspondente.

Pola súa banda, o artigo 164 da citada norma establece que as Entidades locais elaborarán e aprobarán anualmente un orzamento xeral. E en termos similares o artigo 112 da Lei 7/1985, de 2 de abril, reguladora das Bases de Réxime Local recolle que as entidades locais aprobarán anualmente un orzamento único.

Así as cousas, o Orzamento xeral dunha Entidade local coincidirá co ano natural, e estará integrado polo da propia entidade, os dos organismos autónomos dependentes desta e os estados de previsión de gastos e ingresos das sociedades mercantís cuxo capital social pertence integramente á entidade.

SEGUNDO. A lexislación aplicable é a seguinte:

- Artigo 168.4 do texto refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo.



Copia do documento - Concello de Vigo
17996-407

Data impresión: 21/10/2025 10:27 Páxina 1 de 4
CSV: ADAHD1-2CAFEF-4337BC-NY8L3E-MASV48-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

INTERVENCIÓN
XERAL

XERENCIA MUNICIPAL DE
URBANISMO

CONCELLO
DE VIGO



- Artigo 18.4 do Real Decreto 500/1990, de 20 de abril, polo que se desenvolve o Capítulo primeiro do Título sexto da Lei 39/1988, de 28 de decembro, reguladora das Facendas Locais, en materia de orzamentos.

TERCEIRO. O proxecto do Orzamento Xeral da Xerencia Municipal de Urbanismo do Concello de Vigo para o exercicio 2026, formado pola Presidencia da Entidade, ascende á cantidade de 11.789.290,61 euros no Estado de Gastos e de 11.789.290,61 euros no Estado de Ingresos.

Así mesmo, o orzamento non presenta déficit inicial, cumprindo así co previsto no artigo 165.4 do texto refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo.

CUARTO. O proxecto de Orzamento Xeral da Xerencia de Urbanismo para o exercicio 2026, que se deberá someter á consideración do Pleno da Corporación, está estruturado e adaptado ao previsto na Orde EHA/3565/2008, de 3 de decembro de 2008, pola que se aproba a estrutura dos Orzamentos das Entidades Locais.

Así, os estados de ingresos do Orzamento que ascende a 11.789.290,61 euros, confeccionáronse conforme ao regulado nos apartados 1 e 2 do artigo 167 do Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais e na Orde EHA/3565/2008, de 3 de decembro, pola que se aproba a estrutura dos Orzamentos das Entidades Locais, modificada pola Orde HAP/419/2014, de 14 de marzo.

Do mesmo modo, os estados de gastos que ascenden a 11.789.290,61 euros atenden ao disposto no artigo 167 TRLRHL e na orde EHA/3565/2008, de 3 de decembro, pola que se aproba a estrutura dos Orzamentos das Entidades Locais, modificada pola Orde HAP/419/2014, de 14 de marzo.

A aplicación orzamentaria definiuse, polo menos, pola conxunción das clasificacións por programas e económica, a nivel de grupos de programa e concepto, respectivamente.

QUINTO. Así mesmo, e de conformidade co disposto nas bases de execución do Orzamento, nos créditos do estado de gastos e respecto á clasificación por programas, o nivel de vinculación xurídica é, como mínimo, a nivel de Área de Gasto, e respecto á clasificación económica é, como mínimo, o do Capítulo, cumprindo o previsto no artigo 29 do Real Decreto 500/1990 para os niveis de



vinculación.

SEXTO. Conforme ao disposto nos artigos 164 a 166 do texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, ao orzamento deberá de unirse a seguinte documentación:

- Memoria explicativa do Orzamento.
- Liquidación do orzamento do exercicio anterior e avance da do corrente, referida, cando menos, a seis meses do exercicio corrente.
- Estado de gastos e estado de ingresos para cada un dos orzamentos que nel se integran.
- Bases de execución do orzamento.
- Anexo de persoal da Entidade.
- Anexo de inversións.
- Anexo de beneficios fiscais en tributos locais.
- Anexo de convenios subscritos coas Comunidades Autónomas en materia de gasto social.
- Anexo do estado da débeda.
- Informe económico- financeiro.
- Informe do cálculo da Estabilidade Orzamentaria e da Sostibilidade Financeira.

De conformidade co disposto nos citados artigos do texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, o expediente contén toda a documentación esixida e todas as previsións que a normativa establece, e cumpre con todos os trámites esixidos.

SÉTIMO. Así mesmo e, de conformidade coa normativa vixente en materia orzamentaria, o orzamento está sometido aos chamados principios orzamentarios, que actúan como regras básicas que determinan o seu contido e ámbito temporal, así como determinados aspectos do mesmo.

Tal e como se desprende deste informe, así como da restante documentación que obra no expediente, entre os citados principios, que se cumpren na súa totalidade, cabería destacar os seguintes:

- O principio de universalidade, pois o orzamento ten que recoller a totalidade dos ingresos e dos gastos.
- O principio de orzamento bruto na súa vertente contable do principio de universalidade, pois as aplicacións orzamentarias aparecen polo seu valor bruto, sen minoracións.



INTERVENCIÓN
XERAL

XERENCIA MUNICIPAL DE
URBANISMO

CONCELLO
DE VIGO



- O principio de unidade orzamentaria pois toda a actividade da entidade queda recollida nun único estado de ingresos e gastos.
- O principio de anualidade, pois o orzamento se refire ao ano natural.
- O principio de equilibrio orzamentario, pois os gastos orzamentarios financian aos ingresos públicos, sen existir déficit inicial.
- O principio de desafectación, pois os ingresos se destinan a financiar a totalidade dos gastos, sen que, en xeral, se vinculen determinados gastos a determinados ingresos, salvo no caso de ingresos específicos afectados a fins determinados.

OITAVO. O incumprimento da obriga da remisión do orzamento aprobado ou prorrogado ao Ministerio de Facenda no prazo máximo permitido para elo, terá como consecuencia a aplicación de retencións ao importe das entregas a conta da participación nos tributos do Estado (PTE) que corresponda, a partir do mes de setembro e ata que se produza a remisión (como máximo ata final de ano), de acordo co establecido pola Disposición Adicional 87ª da Lei 22/2021, de 28 de decembro, de Orzamentos Xerais do Estado para o ano 2022, con vixencia indefinida, que establece a aplicación do artigo 36 da lei 2/2011, de 4 de marzo, de Economía Sostible, a tal incumprimento.

Sendo o resultado do control permanente previo do expediente

- ☒ Favorable
☐ Desfavorable, polos seguintes motivos: _____

Coas seguintes observacións ao expediente: _____

No lugar e data da sinatura dixital
O INTERVENTOR XERAL
Alberto Escariz Couso



Copia do documento - Concello de Vigo	Data impresión: 21/10/2025 10:27	Páxina 4 de 4
17996-407	CSV: ADAHD1-2CAFEF-4337BC-NY8L3E-MASV48-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		